

中国边疆研究资料文库·边疆民族资料初编

東北及北方民族

中国边疆研究资料文库·边疆民族资料初编

東北及北方民族



欽定滿洲源流攷



欽定滿洲源流考卷首

諭旨

乾隆四十二年八月十九日內閣奉

上諭頃閱金史世紀云金始祖居完顏部其地有白山黑水白山卽長白山黑水卽黑龍江本朝肇興東土山川鍾毓與大金正同史又稱金之先出靺鞨部古肅慎地我朝肇興時舊稱滿珠所屬曰珠申後改稱滿珠而漢字相沿訛爲滿洲其實卽古肅慎爲珠申之轉音更足徵疆域之相同矣又後漢書三韓傳謂辰韓人兒生欲令頭匾押之以石夫兒初墮地豈堪以石押頭其說甚悖於理國朝舊俗兒生數日置臥具令兒仰寢其中久而腦骨自平頭形似匾斯乃習而自然無足爲異辰韓或亦類是范蔚宗不得其故曲爲之解甚矣其妄也若夫三韓命名第列辰韓馬韓弁韓而不詳其義意當時三國必有三汗各統其一史家不知汗爲君長之稱遂以音同誤譯而庸鄙者甚至訛韓爲族姓尤不足當一噓向曾有三韓訂謬之作惜未令人盡讀之而其訛耳若唐時所稱雞林應卽今吉林之訛而新羅百濟諸國亦皆其附近之地顧昔人無能考證者致明季狂誕之徒尋摘字句肆爲詆毀此如桀犬之吠無庸深較而舛悞之甚者則不可以不辨若夫東夷之說因地得名如孟子稱舜東夷之人文王西夷之人此無可諱亦不必諱至于尊崇本朝者謂雖與大金俱在東方而非其同部則所見殊小我朝得姓曰愛新覺羅氏國語謂金曰愛新可爲金源同派之證蓋我朝在

金定滿沙洲河牙

大金時未嘗非完顏氏之服屬猶之完顏氏在今日皆爲我朝之臣僕普天率土統于一尊理固如斯也譬之漢唐宋明之相代豈皆非其勝國之臣僕乎又有云我

祖宗時曾受明龍虎將軍封號亦無足異我朝初起時明國尙未削弱因欲與我修好借此以結兩國之歡我朝固不妨爲樂天保世之計迨我國聲威日振明之綱紀日隳且彼妄信讒言潛謀戕害于是我

太祖赫然震怒以七大恨告

天興師報復自薩爾濟松山杏山諸戰大敗明兵明人欲與我求和斥而不許彼尙安能輕侮我朝乎且漢高乃秦之亭長唐祖乃隋之列公宋爲周之近臣明爲元之百姓或壤或侵不復顧惜名義若我朝乃明與國當闔賊擾亂明社既移之後吳三桂迎送王師入關爲之報讐殺賊然後我

世祖章皇帝定鼎燕京統壹寰宇是得天下之堂堂正正孰有如我本朝者乎至若我國家誕膺天眷朱果發祥亦如商之元鳥降生周之高彀履武紀以爲受

命之符要之仍係大金部族且天女所浴之布勒瑚哩池卽在長白山原不外白山黑水之境也又金世紀稱唐時靺鞨有渤海王傳十餘世有文字禮樂是金之先卽有字矣而本朝國書則自

太祖時命額爾德尼巴克什等遵製通行或金初之字其後因式微散佚遂爾失傳至我朝復爲

初造未可知也他如建州之沿革滿洲之始基與夫古今地名同異并當詳加稽考勒爲一書垂示天下萬世著派大學士阿桂于敏中侍郎和珅董誥悉心檢覈分條編輯以次呈覽候朕親加釐定用昭傳信而闢羣惑並將此通諭知之欽此

边疆民族资料初编·东北及北方民族

金定滿洲源流考

卷首

欽定滿洲源流考卷首

欽定滿洲源流考卷首

辦理滿洲源流考諸職名

總裁

原任武英殿大學士總理刑部事務一等誠謀英勇公臣桂

原任文華殿大學士總理戶部事務兼翰林院掌院學士臣于敏中

原任文華殿大學士總理吏部戶部刑部事務一等忠襄伯臣和珅

經筵講官太子太保東閣大學士總理禮部事務臣王杰

經筵講官太子少保東閣大學士臣董誥

總纂校官

翰林院編修陞任詹事府詹事臣平恕

翰林院修撰陞任詹事府少詹事三品卿銜臣戴衢亨

纂修官

內閣侍讀陞任江西廣信府知府臣麟喜

原任內閣中書陞任戶部主事臣呈麟

理藩筆院帖式陞任理藩院員外郎臣七德

大理寺寺丞陞任戶部員外郎臣馬廷模

欽定滿洲源流考

卷首職名

一

一

理藩院筆帖式陞任理藩院主事臣巴琿阿

內閣中書臣圖勒炳阿

太僕寺主事臣裕

原任翰林院編修臣宋銑

原任江西道監察御史臣曹錫寶

林院編修臣汪滋暉

陝西道監察御史臣沈琨

戶部主事臣曹錫章

提調官

銀庫郎中陞任戶部右侍郎正黃旗滿洲副都統署廣西巡撫臣台布

原任戶部郎中臣巴尼璉

郎中臣德綸

掌 福 建 道 監 察 御 史 臣 托 津

原任內閣侍讀陞任廣西巡撫臣孫永清

通政司參議三品卿銜日吳熊光

掌戶科給事中
中丞馮培

禮

科

給

事

中臣汪日章

收掌官

原任戶部主事陞任副都統職銜臣舒濂

原任兵部主事陞任江蘇按察使臣穆克登

理藩院員外郎臣湛露

內閣侍讀臣素納

兵部員外郎福建候補道臣史夢琦

原任內閣中書陞任浙江溫處道臣陸瑗

刑部郎中臣裘行簡

寧江西北道監察御史盛惇崇

欽定滿洲源流考卷首凡例

一我

國家建邦啟土

肇迹東方

創業始基地靈効順其古今沿革自應詳臚本末用以昭傳信而正羣訛謹擬首立部族一門凡在古爲肅慎在漢爲三韓在魏晉爲挹婁在元魏爲勿吉在隋唐爲靺鞨新羅渤海百濟諸國在金初爲完顏部及明代所設建州諸衛並爲考據異同訂析訛誤博稽史傳參證羣書分目提綱各加按語俾源流分合指掌瞭然

一按唐史所載渤海置五京十三府其上京龍泉府卽肅慎故地而黑水靺鞨入朝亦嘗置燕州勃利州及黑水府諸名目其後若遼置東京黃龍府金置上京會寧府分設郡邑俱詳載二史地理志中至元時猶有肇州之稱基布星羅遺跡尙頗可攻謹擬次立疆域一門凡史冊所載諸城鎮村寨之屬各按原書方位證以現在地理形勢件繫條分詳加辯證務使圖經所紀條貫咸該至遼金宮室建置一切古蹟應行考據者均卽載入疆域一門用徵故實

一按白山黑水其名始見于北史而顯著於金源至

本朝受

金史卷一百一十五

卷一百一十五

命龍興寶爲朱東發祥之地鍾神毓慶靈蹟昭然而諸史或稱太白山或稱徒太山或稱完水或稱室建河稱謂多殊名實易舛允宜詳悉核訂至若松花江卽唐書之粟末水寧古塔卽唐書之忽汗水亦爲勝地名川所來紀載紛淆均資考覈謹擬次立山川一門以現在大清一統志

盛京通志所載據今證古析異定譌其或古有今不可考者則別爲存疑附之于末

一史稱東方仁謹道義所存樸厚之源上追隆古我

朝肇基東土舊德敦龐超軼前代卽如祀

神之禮無異于幽人之執豕酌匏三代遺風由茲可觀而參稽史乘其儀文習尚亦往往同符如左傳稱肅慎之矢可以見俗本善射之原後漢書稱三韓以石壓頭可以見俗用臥具之訛松漠紀聞稱金燕飲爲軟脂蜜糕可以見俗尚餅餌之始其他足資引證者尙多謹擬次立

國俗一門博引典籍分條臚考以著淳風所本源遠流長河與周公之陳七月金世宗之歌土風取義維均足以訓行奕禩

一金時官制如勃極烈之爲貝勒謀克之爲穆昆猛安之爲明安雖沿誤相仍而溯源可考又自新羅渤海已肇興父字金之初年用契丹字太祖熙宗作女真大小字其制漸備維時設女真進士科經書皆有譯解今遺製已湮而碑刻間存至我

太祖高皇帝創制國書義蘊精微允爲制作之極則謹擬約舉大凡附列

國俗一門之後用以垂信方來

一

國家扶輿積慶俶造丕基長白肇興實爲邪岐舊壤今敬謹考核二以近

發祥初地者爲定至若

王師順勦以後經營遼藩卜宅定都凡

盛京地方建置規模及山川地理已具詳

關國方畧

盛京通志諸書中是編諸毋庸兼載以協體制

一恭語

御製文集盛京賦三韓考諸篇及

巡幸盛京吉林諸詩什苞括典故剖析晰辨詢足折衷羣言垂示千古謹擬于書中各條內恭

錄載入永昭定論

次定詩州原流考

卷首凡例

欽定滿洲源流考卷首

欽定滿洲源流考卷首奏摺

臣阿桂臣于敏中臣和珅臣董誥謹

奏本年八月十九日欽奉

上諭命_臣等將建州沿革滿州始基與古今地名同異詳加稽考勒成一書欽此所有編纂事宜酌擬凡例七條繕寫清單恭呈

御覽伏候

欽定嘉名用光典冊至此項書籍擬在方畧館就近辦理所需編纂及譯漢人員擬派內閣侍讀麟書中書呈麟筆帖式七德爲滿纂修官理藩院筆帖式臨保候補筆帖式明倫工部庫使巴尼泰爲譯漢官照滿謄錄之例行走翰林院編修宋銑平恕候補部員曹錫寶爲漢纂修官并派郎中巴尼理侍讀孫永清爲提調官專司督催稽核至繕寫收發之謄錄供事等應卽在方畧館通融抽撥惟查該館現在趕辦

平定兩金川方畧并

大清一統志西域圖志熱河志及元遼史明紀綱目明史本紀等書各有卯限原設之謄錄供事僅供各書之用難以再爲分撥_臣等会同酌擬應再各取漢謄錄四名供事六名令其專心承辦庶有責成候將來書成之日照例給予議敘以示鼓勵其所添之謄錄供事等應支桌飯銀兩并需用筆墨桌椅等項仍由該館照例隨時于戶工等衙門撙節支領毋